

宋朝大詔令集

宋朝大詔令集卷第三十八

皇女三

封拜三

冀國大長公主進封秦國大長公主制

聖二年十月己卯宣仁外除

立愛篤親繫於王者之風化從口謹禮必以人情而節文朕永慕徽音俯終哀制論功紀德而不能口其報竭誠盡順而無以致其思眷惟近戚之賢常有慈顏之念禮宜有稱義所不忘爰居大廷式頒休命冀國大長公主肅雖成性淑慎有儀以帝女之貴而不習於驕以皇姑之尊而能茂厥德懿範成於靜正善行發於薰修屬當祥禪之周固深霜露之感匪加褒冊曷廣孝心中冀開榮已視真王之品咸秦錫號更增大國之封於戲安享隆名所以享口國之慶仰懷先訓豈復衿車服之華益蹈歲規期綏祉福可進封秦國大長公主仍令所

司擇日備禮冊命

皇長女封福慶公主制 紹聖三年二月丙子

敦天性之愛則以義而稱情叙人倫之恩則因親而立教眷予元女有國舊章爰即治廷誕乎明命皇長女天枝發秀坤掖分輝早符設悅之祥百兆塗椒之慶柔明日就雖未逮及笄之年岐嶷天資肇已育成人之度考循彝典敦錫美名主之同姓之公視以真王之秩以親天屬以揚王休於戲周姜王姬下其車服之等漢尊帝女胙以湯沐之封茲無愧於前人其永綏於多福可特封福慶公主

皇第二女封德康公主制 紹聖三年五月甲申卯滿月

朕嗣有今緒獲承至尊先正其身以迪家人之吉乃安斯寢繼膺女子之祥敷錫寵名誕揚休命皇第二女英華秀出婉孌性成天寶祐於皇枝人聿懷於邦慶載震載夙既踰彌月之期克岐克嶷將兆成

人之美淑展協吉若古有章中之以父子之至恩主之以公侯之同
姓是基王化式厚人倫於戲禮以待年雖未築魯侯之館風將正始
庶克紹平王之孫其對揚於殊休以永綏於多福可特封德康公主
仍令所司擇日備禮冊命

康國長公主進封定國長公主制

詔聖四年二
月庚午降

朕始基王化敦叙人倫維時同生乃國懿戚爰託體於先帝將下嫁
於諸侯子于大廷寵以休命康國長公主徽猷順穆懿行福和有王
姬之肅雍有靜女之婉孌發祥考室慶昔兆於占蛇合好承家禮甫
成於奠鴈築茲外館建爾大邦昨以暗澤之封卞其車服之等以祉
中行之元吉以伸維則之孝思於戲惟聿脩厥德則宜其家人惟淑
慎其身則成於婦道永綏厥位尚遠乃猷可特進封定國長公主仍
令所司擇日備禮冊命

皇第三女封懿康公主制

紹聖四年六月丁未周辟

夫家道克正乃為王化之基人倫之親莫先天屬之愛眷予幼女周時斯辰其猷告於外庭肆誕頒於顯冊皇第三女天潢毓粹寶婺儲輝早應設悅之祥未至及笄之歲德柔嘉而日就性岐嶷以自然用商賁於美名以輔成於淑質視以真王之秩主之同姓之公豈惟懋閨壺之修抑以廣宮闈之慶是稽成憲豈曰私親於戲彼穠桃李之華周詩述王姬之德洵美瓊琚之佩鄭風稱有女之賢尚遠乃猷克將而福可特封懿康公主

皇第四女封懿寧公主制

元符元年九月壬戌

國家祚運重熙宮闈襲慶有齊季女方在孩提率由舊章宜蒙位號其頌顯冊以詔外廷皇第四女孕粹璇源參華寶緒犀帳珠襦不煩傳姆之勤瑜珥瑤環蚤著成人之度信帝子之來降真天孫之下遊

誕彌六寢之徽燕及兩宮之慰適臨辟日肇錫華名視以真王主之
同姓蓋推恩者必幼吾幼而立愛者在親其親非朕爾私厥酒彛訓
於戲于魯蔡館未反議高門之姻半楚疏封方將啟大國之壤益慎
爾止往承之休可特封懿寧公主仍令所司擇日備禮冊命施行

周國長公主進封燕國長公主制

元符三年正月
甲午祔改即位

門下朕嗣守大訓君臨庶邦念遭難於我家用奉若於先后乃眷諸
姑之長特惟近屬之尊播告庶邦爰中顯冊周國大長公主徽猷淑
美順德裕和履帝武以發祥執婦道而下嫁念茲皇祖久對越以在
天未予冲人大統承於道緒稽其舊邑已建周邦寵以命書昨之燕
國以揚初政以示敦宗於戲流光垂榮中錫曾孫之慶開封列壤用
增常棣之華服我麗章益綏繁祉可

楚國大長公主進封興國大長公主制

同上

門下朕惟國大憂紹天明命昭格烈祖方懷追遠之賻問我諸姑肆
有褒嘉之舊其頒顯冊教告治朝楚國大長公主育粹仙源發祥帝
武高無危溢之累貴有法度之循曷不肅雖非獨尚車服之美莫不
靜好是用嘉琴瑟之和屬縉服之云初宜茂恩之申錫昨之大國寵
以命書於戲貽厥孫謀永念昭陵之德軌茲婦道益彰魯館之休往
服寵榮用綏多福可

秦國大長公主進封越國大長公主制

同上

門下朕嗣守祚服綏御家邦顧未堪於多艱示惟新於厥德乃眷諸
姑之長肆申睦族之恩秦國大長公主懿範順和令猷洵美昔文祖
英廟口天性之慈我烈考神宗厚天倫之友頃䟽封於秦土已築館
於魯邦茲獲紹於前人用申加於異數進登大國敷告治朝豈曰私
親是稽成憲於戲下其車服之等克邁周姬申之湯沐之封式隆漢

主尚迪有祿永孚于休可

曹國長公主進封冀國長公主制

元符三年正月二十八日乙未

門下朕篤愛天倫肇脩人紀率時昭考永口欲報之恩視茲同生誕布惟新之命曹國長公主柔閑有則淑婉自將穠如桃李之華嬖若絲綸之鈞昔我先后推則友以因心未予冲人在口先而改後口榮有典出命于廷於戲豈無他人莫如同父之戚口口口口口口次諸姑之尊尚祇乃心以綏厥祿可

定國長公主進封鄧國長公主制

同上

門下朕紹明命以宅師口大猷而口口惟新厥德以治其家眷同氣之懿親乃天倫之近屬其中顯冊播告庶邦定國長公主懿美積中柔明秀外早發祥於帝武頃下嫁於諸侯有穠桃李之華有薔瓊琚之佩下其車服下繫其天錫以土田主之同姓屬茲縉紹是用褒嘉申

錫命書進登大國於戲猶執婦道 繼周王之姬宜其家人增重魯侯之館其祇寵命以介多祥可

德國長公主進封慶國長公主制 同上

門下惟天降割遭家多難未予冲人嗣大厯服茲承懷於烈考用申命於天倫德國長公主懿美閑和柔嘉順口口靜女之婉孌懋王姬之肅雖雖未隆婦道之行然動守口箴之戒方履承祧之始肆頒睦族之恩予昔明廷進登口國以作圖祀以揚王休於戲立愛惟親式隆帝乙之妹因心則友尚繼平王之孫往承天休益介爾福可

德康公主進封榮國公主制 二十九 丙申

門下朕嗣無疆之大厯宣列聖之重光方謹始以承祧顧敦宗之有典誕敷明命申錫懿親德康公主岐嶷生知柔嘉日茂永懷先后遽罹罔極之憂肆予冲人敢後有先之義用篤因心之友是增慈幼之

情錫以命書昨之封國於戲莫遠具爾重念前人之休從而進之示
教猶子之愛往綏爾祿適觀厥成可

懿康公主進封嘉國公主制

同上

門下朕恭天眷命緒國慶基用推敷叙之仁誕布惟新之政乃眷懿
主告于治朝懿康公主淑德日新令儀天賦克師承於傅姆已訓順
於公宮方就卷以無方遽繼哀於罔極茲切因心之美用增慈幼之
情錫命告廷䟽榮開國以作爾祉以揚王休於戲惟新陟王永篤在
天之慕莫如同父用申睦族之恩祇服寵光益臻多福可

皇長女特封德慶公主制

建中靖國元年
五月二十九日

門下政先治內禮育緣情雖曰王姬齊繫國風之重乃生元女允為
家道之祥稽厥典章嘉其性習爰頒美號用告大庭皇長女桂魄分
輝天枝發秀柔嘉自得無煩傅姆之賢聰悟風成知習公宮之教載

占穀旦必用會諧特加封邑之榮增重宮闈之慶於戲妙齡岐嶷已多淑慎之儀內則漸磨更茂肅雖之德益遵懿範以永殊休可

皇第二女特封永慶公主制

靖國元年二月庚子

門下爲親所以典仁正始所以基化國必有禮命之異人不以名分爲私毋惟帝女之尊高視列侯之貴嘉循舊典敷告外庭皇第二女寶姿流徽仙源疏派稟幽閑之淑德賦柔靜之懿姿早符設悅之祥載茂塗椒之吉覃訝異秉信天人之儀刑岐嶷夙成均日月之明潤未習公宮之教無煩博姆之賢爰詠令辰肇新美號擬真王之秩主同姓之公以厚人倫以蕃帝室於戲親之欲貴豈特盛車服之崇戒之用休予以廣宮闈之慶往膺多祉進懋殊恩可

皇第三女特封順慶公主制

崇寧二年三月

門下朕迹風化之源則治絲近始率敦叙之典則恩必內崇仁匪私

親禮將明分皇第三女柔嘉之則稟自生知岐嶷之姿得之天性種
華滋發賢範日新無煩傳姆之勤蚤著成人之度思輔淑賢用加呈
名主之同姓之公視以真王之秩庸侈皇國之慶益昭家道之祥於
戲詩紀王姬蓋推車服之盛漢尊帝女實優湯沐之封惟克順承乃
膺多福可

皇第四女封淑慶公主制

崇寧二年三月三日

門下朕纂承丕基欽篤前烈帝室多祚誕膺邦國之祥天孫下遊更
決宮闈之慶眷予愛女爰錫美旨豈曰私親是惟成憲命寵薦吉孚
號告廷皇第四女毓粹仙源分榮寶系英華秀發婉孌生知性自得
於柔嘉散靡煩於保傅將盡增其異稟茲寵眷於徽章秩視真王禮
參正后主公侯之同姓申父子之至恩以協公言以恢大化於戲愛
形乎內仁斯遺於萬方治先於家風遂行於四海注履多福勉流淑

聲可

冀國長公主封秦國長公主制

崇寧二年五月六日

門下朕承燕詒之考烈賴雍佑之母慈禮變禪祥甫畢三年之制恩隆骨肉將形四海之風惟時同生乃國貴主特頒顯冊爰告治朝冀國長公主毓秀璇源發祥寶緒質美瑤瑤之粹姿標桃李之華大國名都視以真王之秩高門勲胄主之同姓之公寵祿愈光賢聲彌紹逮茲光服肆以推恩易中冀之舊封成咸泰之新壤用彰懿範期廣孝心於戲帝妹既歸當新於受祉天姻雖隔亦尚於宜家益懋徽猷永膺遐福可

皇第五女特封延慶公主制

門下朕嗣有令緒率由舊章帝祚是承敢忘繼繼之重人治為大孰先親親之恩眷惟諸女之封茲實有邦之制誕告列辟庸示至公皇

第五女柔明夙成詔今日就天寶自度姆教靡勤雖越在於提孩宜進膺於位序以侈宮闈之慶以將閨壺之脩盡舉前典用昭寵數於戲主之同姓惟王室之是尊錫以美名見天孫之特異勉循圖文之戒茂對車服之華嘉聲垂延多福口口可

韓國長公主特封魯國長公主制

崇寧二年五月六日

門下睦族博宗是惟天子之孝分封錫號斯亦聖人之公朕紹業承陵蒙休慈德感慕甫紛於哀制褒崇當及於懿親其布徽章以孚眾聽韓國長公主稟資令淑造行柔嘉遠積潤於紫潢夙揚輝於寶婺從傅姆之教則樂善以忘勞飭王姬之車則降嬪而盡禮素顯宜家之譽屢疏封國之腴祇服寵光率循憲度肆易名於韓土爰析壤於魯郊以昭博叙之仁以協榮懷之慶於戲施深則報重屬近則恩隆形孝反之風庶其無愧茂庸雍之德時乃有休益蹈歲規永綏壽祉

可

慶國長公主進封益國長公主制同上

門下朕席昭孝之閭休承欽儀之至德竭誠盡禮願未足以報功立
愛施仁宜莫如於敘族歆致廣恩之道必先同氣之親其詔治廷以
頒褒冊慶國長公主秉心淵懿履行粹和慶鍾長懿之源宵稟火成
之智動循典訓居臨歲規淑慎為儀則有齊之季女肅離迪德則彼
美之正姬必錫號以分封猶待年而築館誕增燕喜益懋寵光改慶
朝之名區撤岷梁之善壤以敦天屬以睦民風於戲授之不以私蓋
有古今之通誼親之欲其首嘗存仁孝之至情祇服訓辭永膺壽域
可

宋朝大詔今集卷第三十九

皇女四

封拜四

皇第六女特封壽慶公主制

崇寧二年五月六日

門下爲天性之至愛則仁始於親尊王道之至彞則禮先乎近眷于
幼女早膺誕悅之祥舉國舊章爰布告廷之命皇第六女柔嘉異稟
溫惠夙成分寶姿之凝輝毓璇源之秀潤剪髻年建方觀婉孌之初
帶琬丁辰已著肅雖之漸瑟彼瓊琚之旆煜然桃李之華雖未教於
公宮寔克諧於姆訓屬諏龜之協吉乃出時以䟽榮氣當長養之時
樂具舒和之奏主之同姓視以真王以昭考室之祥懷以須築館之
燕譽於戲壽特高於五福以莫不增慶本自於一人求錫爾類茂綏
嘉號翕受冲祺可

益國長公主進封冀國長公主制

宋寧三年十一月十一日

門下朕親睦九族惇勸萬方惟王化之始基本人倫之大義乃春帝室之戚有如王姬之賢將下嫁於諸侯當主嫔於同姓肆彤闕冊數告治廷益國長公主毓秀天源託質神考賦肅雍之美德體柔嘉之令儀洵若瓊琬華如桃李恩既崇於築館禮宜備於承家爰錫寵章更舊封於益部誕膺異數開大國於冀方宣獨盛其儀服之容亦以厚其湯沐之奉惟國之舊匪予所私於威鳳皇于飛蓋得女歸之吉琴瑟在御勉成婦道之隆尚體朕懷毋忘爾事可

皇第七女特封惠慶公主制

宋寧四年六月十三日

門下以御于邦治必由於家始欲明其德愛寔自於親先朝惟帝女之隆肆有國章之舊誕颺成憲敷告外庭皇第七女毓秀仙源分暉寶婺聰惠著于覃訏之際柔嘉見於岐嶷之初得天性之自然賦生

知之異稟雖未逮反舜之歲顧已有成人之姿朕仰承燕翼之謀存
膺蕃衍之慶將輔就於淑質俾商錫於美名主之同姓之公視以真
王之秋載消穀旦式舉丕彝以厚人倫以基王化於戲周詩美車服
之等漢氏啟湯沐之封恩匪親私義悖國體其對揚于休命用永介
于鴻禧可

皇第八女特封安慶公主制 崇寧

門下朕克紹先猷敢忘於繼繼用隆天性思篤於親親是爲王化之
基時乃人倫之本眷諸諸女有國桑儀涓選嘉辰對揚休命皇第八
女儲祥寶娶毓秀濟源淑質得於天成徽聲聞於日就吉口大人之
兆宜爾弟兄美播主姬之時華如桃李雖未離於襁褓固已口口言
容既下天孫之津來符景運未降帝子之渚宜受始封屬吉日之斯
臨率舊章而誕布匪惟私昵益有典常主以上公加之美號安乃康

寧之謂伴壽而臧慶無福祿之稱方興未艾佩以辟邪之玉陳之厥
往之車協我慈懷錫爾寵數於戲亞于王后實稽周室之隆冠以徽
名亦用唐家之舊往膺優渥益介繁禧可

皇第九女封和慶公主制

崇寧四年十月三日

門下敦天屬之親所以刑風化之本率邦章之舊所以嚴名分之公
茲恩義之大方寔古今之典制朕呂家人之吉繼膺女子之祥登舉
徽儀誕啟休命皇第九女口華寶緒毓粹環源蘭茁其芽居懷香國
之懿王塋其質內蘊自天之溫未煩傅姆之勤已著成人之度屬命
龜之薦吉孚出綈以疏封尚錫美名倍崇顯冊視以真王之秩王之
同姓之公以昭帝祉之休以篤天孫之慶於戲克岐克嶷既彰和惠
之資無非無儀寔懋肅雍之德永綏壽嘏益對龍光可

吳國大長公主特進封吳越大長公主制

崇寧五年十月二十四日

門下朕纂紹玉圖欽篤前烈暎昭陵之愛女寔尊屬之懿親義所當隆恩宜有稱申加異數敷告外朝吳國大長公主柔惠而性純端莊而言靖席王姬之貴富而體尚清恬居帝子之高明而動遵沖約夙顯冢之譽荐膺徽土之封固已禮秩視於真王儀服參於正后而遽遶寢居之戚重興感惻之情是用進兩國之隆名敷大廷之徽冊以展愛親之意以昭優異之章時惟茂恩式口彝典於戲念茲皇祖每懷圖報之衷問我諸姑肆厚褒賢之渥尙祇光寵永介壽祺可

皇第十女進封康慶公主制

崇寧五年十一月十六日

門下為政以德治其國者齊其家立愛惟親終乎過而見乎遠朕祇率典訓稽參情文以厚人倫之風以博王化之本朕惟幼女肇啟初封播告在廷誕揚顯冊皇第十女仙源毓粹寶婺儲英岐嶷得之生

知柔順背於天性承徽日茂鍾秀增華未覩公宮之彝已昭邦媛之
度列侯視秩將圖炎漢之規嘉號別名爰攷有唐之制主上公之同
姓亞王后之盛儀以彰命數之隆以侈皇家之慶於戲欲其肯富既
仲天屬之恩曷不肅雍其懋王姬之美往承休命永介繁禧可

魏國大長公主進封

大觀三年六月二十八日

門下迪追遠以展親蓋將廣孝因叙情而疏寵所以隆恩眷言近屬
之尊粦有廢居之感顧深優遇盍厚褒章消以休辰告于列位魏國
大長公主稟咨和惠履行溫恭席王姬之貴而迪德有常處帝姑之
崇而率禮無越久著宜家之質苻膺賜邑之榮視爵秩於真王參儀
服於正后比軫私度之感屢興中夜之思義所當先命惟有稱是用
昨以兩國廣湯沐之新封冊于大廷備聲容之煥典併超彝制益示
龍光於戲以慰其心推厚陵之慈念用錫厥祉協神考之友懷尚服

殊休永綏多福可

除皇第十四女特封口福公主制

大觀二年七月五日

門下立愛惟親用致人倫之厚以名出信蓋彰命數之崇眷予治假於有家時乃慶鍾於幼女宜中異寵以稱隆恩爰告大廷式乎群聽皇第十四女璿源毓粹宵娶分輝懿範天成潛蘊瓊琨之美淑姿日就寢敷桃李之華自膺設帟之祥茲屆剪羈之祉載消殺旦肇錫徽章主之同姓之公視以真王之秩以昭惇叙以主榮懷於戲曷不肅雖益懋成人之德欲其富貴特加大國之封其茂對於龍光以永綏於壽嘏可

皇第十五女特封綏福公主制

大觀四年正月十八日

門下朕欽承丕緒祇紹燕謀王假有家誕厚人倫之本天錫純嘏繼膺女子之神惟時初封厥有彝憲載消殺旦敷告大廷皇第十五女

賢媛分輝仙源毓粹英華秀發煜然桃李之姿溫惠生知瑟彼瓊瑤
之質將兆成人之度宜新迪德之名主于同姓之公視以真王之秩
盛其儀服冊以命書以昭典禮之光以修宮闈之慶於戲周詩正始
寔美王姬之車唐制彌文斯崇帝女之號對揚恩渥茂介壽祺可

瀛國公主持進封陳國公主制

大觀四年四月

門下朕誕膺景命祇紹寶圖永懷天顯之親惇叙人倫之本曷言懿
主鍾愛泰陵念女子之有行雖王姬而下嫁宜崇異數用榮至恩數
告治廷肆改替冊瀛國公主仙源毓粹寶媛分輝聰惠敏明稟天姿
而特異婉柔端靜在姆教而弗煩動遵圖史之規居節組紃之習方
迨及笄之茂將從外館之歸是用易河間之口口啟口陽之新壤亞
于正后之等主以上公之尊口口口之嘉辰口大易之元吉以合二
娃之好以基萬化之源於戲遠監周詩匪專榮於車服近觀唐戒亦

成美於家邦往懋肅雍永綏壽嘏可

皇第十六女特封顯福公主制

大觀四年七月八日

門下朕紹承聖緒祇荷天休宜其家人永迪御邦之慶乃生女子繼膺考室之祥惟時初封厥有彝憲載消穀旦誕告羣工皇第十六女質稟口口性口慧口秀毓璇源之潤榮分寶婺之輝婉婉以從雖未即公宮之教柔嘉自得顧無煩傅姆之勤屬口日之甫臨盍徽章之肇舉參稽茂實褒進美名主同姓之上公視真王之峻秩以昭內治以厚民風於戲推敷叙之隆恩庶幾廣愛成肅雍之懿德罔不在初往服寵光益綏壽祉可

皇第十七女特封熙福公主制

大觀四年十二月二十八日

門下因親立愛茲以御于家邦若古有猷用特昭於禮命惟時幼女爰啟初封敷告治廷誕揚徽數皇第十七女口霄錫吳帝室階輝燿

攸惠心厥有成人之度溫其粹質豈繫傅姆之勤屬辟日之迎辰協
嘉名而懋寵乃消穀旦肇舉彝章視峻秩於真王主上公於同姓以
敦天屬以厚大倫於戲考室于宣已卜葦莞之慶疏恩於漢並開湯
沐之封既增渙於壺闈寔併崇於丘叙膺茲休渥永介壽康可

皇第十八女特進壽福公主制

政和元年三月三日

門下朕丕膺純佑口洽蕃釐慶章考室之占載生女子化迪御邦之
要必本人倫肆消言以肇封用駸廷而乎命皇第十八女柔閑自得
婉惠夙成惟時襁褓之初已粹英華之美珠躔挺秀寔誕降於天孫
蘭渚涵姿過來游於帝子茲屆剪羈之旦允符設帨之祥屬來詒於
近司用特昭於徽數協之華序錫以今名班峻秩於真王亞備儀於
正后義敦皇緒教華民彝於戲啟脂澤之豐恩固加於親愛宜車服
之盛德尤在於肅雍茂對龍光益諧燕喜可

皇第十九女特封順福公主制

元和元年三月二十五日

門下朕稽邦家立愛之經著皇女疏封之訓主於同姓秋茂視於真
王錫以美名禮特隆於初命具口丕號申詔羣工皇第十九女粹岐
嶷之姿茂柔良之質純然稟異允矣生知繼圖史之芳宜有性口之
善奉肅雍之德諒無母教之煩庸畢協於師言口肇頒於渙渙是將
序替教于位以御治朝陳金石于庭以口顯冊敦崇國體循用邦彝
嘉乃妙齡膺茲徽教於戲周盛車服之飾所以重王姬漢優湯沐之
恩所以尊帝女惟時舊典匪曰予私尚益介於壽康以永綏於祉福
可

慶國公主特進封韓國公主制

政和二年二月五日

門下立愛惟親所以致人倫之厚因心則友所以明天顯之恭朕皇
室之賢姬迺哲宗之季女礼將優於下嫁恩莫盛於增封諡叶嘉辰

楚國之封口圻視秩盖口口口魯人之候館䟽恩前示於嘉稱正
懋肅雍益口口口口口口口

韓國大長公主特改封賢懿懿行大長帝姬制

門下朕躬攬萬機口口口口口口口制褒叙懿親率昭考之謨緝
熙口矩口睦諸姑之重口口近屬之尊錫以豐章告于口位韓國大
長公主性姿柔惠口稟靜專極徽數於累朝蚤敷慶口口大名於兩
國弗口口口矧茲邦典之新式表帝族之盛載崇口命彌厚化風於
戲車服不繫厥夫盖由前訓富貴弗更其守益懋遠猷往服恩榮永
綏壽嘏可

徐國長公主特改封柔惠長帝姬制

門下朕監觀周道祗若先猷表實定名飭正循洽之陋因心廣愛肇
頌新美之稱眷是賢姬時口同氣宜載揚於玉號用孚告於群工徐

國長公主溫惠柔明謙恭靜壹愛鍾烈考登承顧育之慈登降勲門
彌著肅雍之譽屬誕更於往制庸改錫於徽章考德謂宜申恩惟舊
於戲事師於古方跨越於三王仁篤於親庶儀刑於四海尚綏福履
無怠訓言可

陳國公主特改封淑和帝姬制

門下朕若古猷訓因時頌熙瞻口帝子之疏封尚繫侯邦之築館肆
遵先志聿新一代之規聲舉嘉稱用宣群工之聽陳國公主柔良自
度淑慎有儀席慶皇闈延哲宗之愛女言歸甲族疏沁水之新封屬
誕正於前彝宜申加於異數式昭懿行僉穆師言於戲按實定名允
協邦圖之永固心則友彌敦天顯之恭祗服龍光永乎燕譽可

韓國公主特改封淑慎帝姬制

門下立愛惟親莫重固心之友以儀辨等執先表實之稱眷皇室之

賢姬乃哲宗之季女適中前詔誕布新章韓國公主秉德溫良凝姿
秀粹蚤習公宮之教柔則內融時為威範之華徽聲外著茲舉周家
之制肇更漢室之封以正邦經以昭古訓於戲成緝熙之茂憲必也
正名侈敦叙之隆恩庶幾廣愛柱叙寵渥益介壽祺可

除嘉福公主特封嘉福帝姬制

政和三年四月十五日

門下朕若古有猷紹休成訓因親立愛誕昭天性之隆以義制名式
表帝姬之重賚予元女鍾慶宸闈冠美號以中恩詔昕廷而啟命嘉
福公主殊躋毓粹坤掖凝輝法度生知已著言容之德柔嘉自得靡
煩圖史之規茲肇舉於新章用丕宣於今則載崇位叙增典情文於
戲洵美且都有穠華之盛服渥耆而艾襲嘉愷之多样施迪徽聲以
綏純嘏可

崇福公主特改封崇福帝姬制

門下祇奉玉圖通追先志備一朝之大典酌三代之彌文惟時帝子之尊尚襲王制之舊雖親之欲其肯禮務極於優隆然名之必可言事蓋師於古始其胎明命用詒多方榮福公主氣稟中和性鍾淑慎彤管有輝克遵圖史之規象服是宜允蹈珩璜之節頃稽故事誕啟初封秩視真王主之同姓載念循治之弊必求訓迪之方申錫恩章摩新爵號以光國體以厚民風於戲雅推敦叙之仁將輔成於美化克懋肅雍之德其務稱於殊榮祗服訓言益綏壽祉可

安福公主特改封安福帝姬制

門下朕丕隆景命通駿先猷稽成周制作之隆正炎漢循治之誤惟時懿女未易華稱雖秩視真王備存於彝訓而主以同姓徒襲於虛名爰即大廷誕揚孚號安福公主分流銀燭挺秀金枝夙符寢簾之祥茂叶塗椒之慶謹珩璜之節久著柔儀衍湯沐之封荐膺異數方

肇新於今典宜申錫於徽章以昭天屬之恩以厚人倫之本於戲親之欲貴必隆惇敘之仁名必可言尚懋肅雍之德益綏祉福茂對龍光可

康福公主特改封康福帝姬制

門下仁以親親蓋示明倫之本義無貴貴宜隆辨等之儀朕爰考周詩仰循先訓躬裁善制肇築館之舊稱敘錫美名聳班朝之師聽康福公主慶鍾華葉祥發閭宮岐嶷天成居習組紃之教肅雖日就動無珩璜之譁茲肇舉於新章用丕宣於懿則洽情斯稱表實謂宜於戲位敘載崇仍視真王之扶箴圖克謹毋忘師氏之規往對茂光益綏多福可

崇福公主特改封崇福帝姬制

門下朕考古立制與周匹休明德睦親自家刑國惟是帝姬之貴尚

遵公館之名錫厥嘉稱用緝熙於先志渙其大號宜惇叙於我家
福公主蘭茁騰芳瑜華稟粹柔閑自得靡煩傳姆之勤莊重夙成允
發天孫之秀茲誕揚於褒典式增穆於徽稱禮命載崇寵私惟舊於
戲穠如桃李韋瞻儀服之華佩以瓊琚彌見德音之茂尚綏介福無
愧前脩可

昌福公主特改封昌福帝姬制

門下朕稽三代之盛隆斥百王之卑陋載惟帝女尚循外館之稱
正邦經追本先皇之志爰盼渙號增貴龍名昌福公主景緯儲輝皇
枝孕秀溫其淑質允乎珠玉之華變彼惠心蓋稟乾坤之粹茲大殯
於桑制用申錫於褒章恩以親隆命惟時舉以厚宮闈之慶以紹位
叙之榮於戲曷不肅雖既弗慰於姆訓成其福祿宜永荷於天休往
服眷私益虔率履可

宋朝大詔令集卷第三十九

宋朝大詔令集卷第三十九

宋朝大詔令集卷第四十

皇女五

封拜五

衍福公主特改封衍福帝姬制

門下朕光膺景命寅奉丕圖稽神考之燕謀酌成周之盛典眷言懿女肇易華稱其孚號於大廷以猷告于多士衍福公主分輝寶婺毓秀璇源迪德有常雖未即公宮之教率禮不越願已騰中壺之口載惟郡國之封蓋本漢唐之陋循沿既久口正未遑茲誕舉於徽章宜申加於茂渥以篤邦家之慶以隆父子之恩於戲必也正名既盡遵揚之義庶幾廣愛用昭懋敘之恩尚懋柔儀永綏純嘏可

徽福公主特改封徽福帝姬制

門下朕監成周之隆遵昭考之訓以口口位執先帝女之尊以禮稱

情爰舉邦彝之茂聿新厥命誕告于廷徽福公主襲慶璇源啟封襁
褓涵姿明潤蚤瞻日月之華秉德粹溫蚤著瑛瑶之度口載頒於今
典用敷錫於嘉稱秩視真王恩從舊數於戲有空口競益蕃宮壺之
榮無疆惟休增侈龍光之施勉循懿範式介純禧可

顯福公主特改封順福帝姬制

門下朕丕膺令緒祇奉燕謀眷惟諸女之賢以主上公之貴雖存故
事徒襲虛文茲誕布於宏規宜申加於顯冊顯福公主珠璣挺秀璇
極分輝柔惠夙成瑟彼珪璋之質英華日就煜然桃李之姿頃徹初
封式彰異數載念西漢循公之故有慙三代制作之隆爰錫恩章肇
新爵號以篤家邦之慶以昭教化之原於戲立愛自親朕敢忘於敦
敘以名出信爾務稱於龍光尚懋乃猷永綏厥福可

順福公主特改封順福帝姬制

門下朕若稽于古莫如三代之隆訓迪厥官肇正百王之謨惟時懿女申錫徽名爰協休辰式孚渙號順福公主璇源毓慶寶婺輝早符堯箚之祥充謹珎璜之度頃疏茂渥既徹初封主以同姓之親秩視真王之貴雖存故事止襲虛稱茲誕舉於宏規宜首加於異數以隆國體以集民彝於戲易湯沐之封朕既丕承於先志異車服之等爾其益懋於柔儀往對殊休永膺多福可

柔福公主特改柔福帝姬制

門下朕董正治官緝熙先志眷惟懿女尚仍炎漢之封肇易徽稱悉本成周之制爰諏穀旦誕告治朝柔福公主毓秀星輝儲精潢潤柔嘉自得不渝圖史之規婉婉以從靡佚保阿之訓頃□□□□徽初封秩視真王儀參正后載念熙寧之詔備□□□□更制新名中隆異數以篤御邦之慶以增考室之祥於戲器下假人庸厚展親之

禮名以出信益隆報上之心其體至懷永綏多福可

皇第二十一女特封申福帝姬制

門下朕躬臨熙洽之期世格和平之樂既受帝祉茂膺男子之祥雖則王姬益卜家人之吉爰諏穀旦肇錫美名敷告治廷茂賜休命皇第二十一女鍾日月之明潤稟乾坤之粹純德性生知自習公宮之訓禮容自飭無煩阿保之勤甫當剪髻之辰已著成人之度勅令圖書之戒未疏典冊之封是用循魯館之稱載稽周制鄙沅園之號蓋革漢規眷爾柔嘉伸之福祿厥惟燕喜匪曰私恩於戲立愛惟親茲廣家邦之教以儀辨等徐觀車服之華衆對龍光永綏壽嘏可

皇第二十二女特封寧福帝姬制 政和四年五月二十

日
門下朕膺溥臨之命恭稟洽之圖將受朕明屢協口宮之祝乃安斯

寢嗣占右枕之祥誕告治廷式乎群聽皇第二十二女濯潢流之秀
疏星極之輝發惠風成瑟彼英華之粹覃訏日就煜然文采之華未
即教於女師已服勤於姆訓甫十旬初粹之吉侈三日剪髻之儀考
圖徽章襲時姆禮異車服之節亞口口后之尊徽脂澤之封視以真
王之秩用敦皇緒俾厚民風於戲王假有家方茂榮懷之慶天被爾
祿永綏壽域之純口口口口口承燕譽可

皇第二十三女特封保福公主制

政和四年四月六日

門下立愛惟親式本御家之治以名為表莫嚴辨位之儀眷帝位之
方隆嗣王姬之載育諏辰協吉敷策揚廷皇第二十三女膺莞簞之
殊口蕃壺闈之顯福柔明蚤惠婉嫕風成被穠蘭蕙之華洵美瑛璫
之度曾訏異稟在傳弗勤聿當初睟之朋爰舉始封之制誕昭徽數
後亞后之豐章商錫新稱協有周之舊典以尚榮懷之慶以閑教叙之

休於戲禮重剪竊相德容之有倣詩言衣褐飭內行以無違進席龍
光永綏壽恆可

嘉福公帝姬特進封嘉德帝姬

成和五年四月二十八日

門下禮本於昏茲實明倫之重名以出信是惟立愛之先眷予元女
之賢蚤即公宮之教將備脩於嘉事其商賁於豐章猷告治廷寬教
載冊嘉福帝姬端莊而婉懿淑慧而溫恭發祥日月之明稟異乾坤
之正潢沅帝慶茲穠桃李之華椒極承顏浸服組紉之訓誥女圖而
自飭肅珩珮以無詳議年甫迨於勝筭揆德克閑於執盥比求良席
爰得勲門載洎請吉之期盡具納成之典肇疏罔之寵既參榆翟之
輝光築館之行宜大粉田之渥仰惟前代于裴氏彝肆啟命字之嚴
盡黜裂封之陋中盼顯號用相柔儀於戲致秦栗之虔注迪家人之
吉視衿幘之戒毋忘宗事之脩其益懋於言容以永綏於壽祔可

皇第二十四女特封榮福帝姬制政和五年九月十一日

門下上天之載有蕃傳類之休女子之祥嗣協宜家之吉將誕敷於顯祚其順考於豐章消選剛辰式孚列辟皇第二十四女稟令儀之靜婉躬柔度之端良設忱於門蚤襲椒塗之懿載衣之褊具昭覽寢之華德容發于震風之初惠問成于覃訏之始嬖彼潢流之秀煜然天紀之輝方卜口於保阿已弗勤於傳御三月之末爰當薦髻之期九十其儀用兆結縭之祀商錫王姬之制允釐公館之稱表實定名設儀序位佩之帶珥等異數於真王錫以乘車亞祓戒於正后則篤其慶永孚于休於戲古我先王時若棗民之化有齊季女克成治內之風尚勉蹈于徽猷思輔成于淑質往綏燕譽以介壽域可

榮福帝姬特進封榮德帝姬制

政和六年二月十三日

門下朕仰惟前代若晉大猷重嘉禮以厚人倫為國始本雖王姬而

執婦道作民乎先名既正於䟽封恩亦隆於築館誕揚明冊播告庶
工榮福帝姬淑性惠溫柔度燕婉華穠桃李質粹瓊琚保傳不勤幼
而循國史之戒組紉既習長則有家室之歸維昏姻之及時實風化
之正始逮茲下嫁豈曰貴驕真鴈甫期知適筮之協告施衿示訓親
臨饋以教恭車服有行典章增育我圖懿範更錫美稱用昭慈愛之
懷肆顯肅雍之德師言維穆度渙匪私於戲化行周南朕則登女士
而以道貴惟帝子爾其循法度以宜家永保令儀自膺慶譽可

崇福帝姬特進封崇德帝姬制

宣和二年五月二十八日

門下周遶王姬於諸侯首論肅雍之德唐尚公主於五品間行盥饋
之儀眷予季女之賢將有敷門之降宜昭寵數用告薦神崇福帝姬
發叢霄璚玉之祥分寶宿天孫之慶靜專出於德性婉孌茂於天安
閒閱詩書雅有宮庭之訓自知紡績不煩傳姆之勤桃李之華而婦

以時條梅有實而迨其吉瑟琴靜好宜其家人鳳凰和鳴予得吉卜
延考始筭之故事有光外館之攸行寵中帝女之封貴比真王之秋
結衿擊而既戒當遠去於親闈躬蘋藻以薦羞尚恪修於婦事於戲
母以貴而廢舅姑之恭順母以富而忘行軸之艱難館陶求即上之
有請謁之戒嘗主踰制下之有奢靡之譏能迪于言則為爾福可

皇第二十九女封令福帝姬制

宣和

門下受祉而施于子有間女夢之祥立受而始于家克迪民彝之厚
朕荷天右序錫祚熾昌聿生姬德之音實衍邦祺之盛宜乎詔號用
告朝紳皇第二十九女毓粹星潢承休霄極蘊微柔之則襲芬潤於
芳蘭摧岐嶷之姿敷秀華於穠李將惠姆師之淑訓寢昭壺室之令
儀朕惟有天下者務親其親為人父者必幼吾幼爰侈占蛇之慶載
為剪髻之容假太姬之神肆消差於穀旦佩辟邪之綬迺商賡於嘉

名式隆天性之思以正人倫之本於戲詩著國風之義德專美於前
雖禮存內則之言教莫先於婉婉永綏壽嘏益協榮懷可

皇第三十女特封華福帝姬制

門下考室占女子之祥載美蕃昌之盛唐口喻王姬之德宜昭徽美
之聲仰帝極之申休玩坤元而得索協稽舊典誕舉茂恩揆以剛辰
告于外寢皇第三十女分輝寶婺毓秀仙源靈聰慧以性成鍾靜柔
而敏達瑤瑛溫潤蘊四德以中存桃李穠華稱六珈而口口俯屈十
旬之晬將嚴右髻之儀備展情文具形憲度朕方受天多祐流祚無
疆則百斯男正顯本文之盛有齊季女九諧千億之詵爰因幼幼之
慈式厚親親之惠商嘉名而口實煥新祉以增榮物陳亞后之崇秩
等真王之峻以增皇緒以輔民彝於戲蒙服是宜勉慎言容之習彤
管有煒務遵國訓之規益介壽祺永光懿範可

皇第三十一女特封慶福帝姬制

門下朕端芬命於璿霄縣鴻沐於寶緒乃生女子衍流祚類之昌以
明人倫宏闡化風之穆惟御邦而厚本敦施德以疏榮登告庫工丕
揚顯冊皇第三十一女韶姿夙茂懿度天成設旣於門應享占於虺
夢載衣之褊稱柔飾於鞶綵變彼惠溫華然淑秀如習公宮之範靡
煩傳姆之規外館重嘉已兆結縭之始午羈謹睟先陳剪鬢之文酌
漢朝帝女之封攷周室王姬之號車服異等備參榆翟之華湯沐多
祖大戚粉田之渥以名為長立愛惟親綏其福履之光侈乃室家之
慶蓋循彝憲宣曰私恩於戲敬婉婉以字籍其寢承於今訓執亦雖
而成德尚終迪於芳猷永對渥慈益膺繁祉可

昌福帝姬特進封成德帝姬制

宣和五年
六月四日

門下正男女以合二姓之述聿時循於嘉事罔父子以惇九族之愛

用時協於彝章朕仰承上帝之休所有公宮之懿比拂邇而得吉將
執事以教恭乎告治朝誕揚顯冊昌福帝妣柔明遠識溫惠令貴階
輝寶婺之躔宵靜坤輿之體言容無淑穠如唐棣之華法度有待動
成佩玉之徽少而飭組紉之事長則奉圖史之規靡由在姆之勤蓋
稟自天之美譏年斯及於禮有行乃卜慶門肇新外館詩陳下於正
后煥其車服之儀大哉主以上公黜彼情文之陋視真王則親之欲
其肯著成德則名之必可言商此微稱爵為異數於戲內和理而家
可久宜思戴氏之經幼習貫而性自然無替霄生之說惟衿紱是戒
惟蘋藻是循副予慈懷綏爾壽復可

雜詔

公主行笄始禮詔

治平二年
二月壬辰

朕嘗恃先帝左右恭聞德音以本朝舊制士大夫之子有尚帝女者

輒皆升行以避舅姑之尊習行既久義甚無謂朕常念此寤寐不平
豈可以富貴之故屈人倫長幼之序也可詔有司革之以厲風俗朕
聞喻之始欽仰稱歎至于再三不幸先帝後嬰疾疹其議中寢朕躬
承道旨敢不遂行中書門下議降詔有司以發揚先帝盛德詔曰盖
聖人制禮造端乎夫婦所以正人倫先王立教莫善於孝悌所以厚
風俗王姬下降舊典有儀其於舅姑當行豈饋然厯代相沿習為矜
汰至於亂昭穆之序廢長幼之節是為作法於涼何以使民先皇帝
暇日嘗以為言欲加申飭俾成禮順旋屬建祿未遑著于今也末予
沖眚肇服休命德音在耳曷敢昏逾率循大卞蓋先道志豈曰善繼
用勅我昭考垂憲足以貽謀後世者其體茲旨令有司案典禮奉行
仍令陳國長公主行舅姑之禮王師約更不升行

改公主名稱御筆手詔

比覽神考實錄在熙寧初有詔釐改公主郡縣主名稱當時群臣不克奉承以至于今比詔有司祇若先志循沿既久莫能董正稽考前王周稱王姬見於詩雅姬雖周姓法古立制宜莫如周今帝天下而以王封臣可改公主為帝姬郡主為宗姬縣主為族姬仍以美名二字易其國號內兩國者以四字

降黜

皇女充國公主降封沂國公主制

嘉慶七年二月壬子

陳車服之等所以見王姬之尊啟脂澤之封所以昭帝女之寵茲唯親愛之攸屬時乃化風之所關與不能安諧於厥家則何以觀示於流俗充國公主生而甚惠朕所鍾愛故於外家之親以求副車之配而保傳無狀閨門失歡歷年于茲生事弗順達於聞聽深所駭然雖恩義之常人所難斷至於賞罰之際朕安敢私宜告大廷降徙下國

於戲爾惟肅雍以成德美惟柔順以輯令名及其恪思庶承來福可
降封沂國公主

贈典

皇妹故道士七公主仍賜號號清虛靈昭大師賜紫法名志
沖制

門下先親五愛有國之典章滲澤漏泉飭終之厚禮載優贈卹之典
用推惇叙之恩皇妹故道士七公主寶婺分輝天枝發秀夙稟柔嘉
之質迥懷詰惠之心爰自妙齡即依道範遽窅仙而長往俄早世以
纏悲歲筭屢更音容永謝宜舉追褒之命庶申軫悼之懷賦邑脂田
特開於大國徽名懿號並法於真都尚冀營魂歆茲異數可特追封
衛國長公主仍賜號清虛靈昭大師賜紫法名志沖仍令所司擇日
備禮冊命主者施行

故蜀國長公主追封越國長公主賜謚賢惠制

勅生有封爵之榮歿有贈祔之寵延國常典施諸貴近況在先帝之中女寔朕同氣之至親夙恩淪亡可無褒卹某少而蘊慧淑之資弗勤於保傳長而成肅雍之美是宜於室家東服亞王后而贈輝國邑視公侯而不侈朕嘉乃淑德茂乃懿範將極寵數以熙長樂之愛不幸嬰疹夭于盛年悲動慈闈痛均手足不有遺音曷紓朕懷茲用申勅有司擇壤地之大者莫如越以加汝封稽參謚法明德有誠之謂賢柔質慈仁之謂惠以易汝名庶幾休聲可詔世汝有知止尚克歆承可

故魯國大長公主賜謚賢懿追封荊國大長公主制

勅先王制禮文以稱情永惟貴主之尊盛及追命之際興言痛悼用膏諸幽其位生有令儀庶慶皇祖肅雍之美協於聲詩遺命不淑以

至大哉蓋王姬之車服下后一等而不繫其大其位高者其享厚其情至者其文綢貴貴親親之義也改封大國被以休名殒而有知尚克膺此可

越國賢惠長公主追封大長公主制

勅王姬之貴而能執婦道以成肅雍之美朕嘗聞召南唐棣之詩矣永惟皇祖之慶篤生淑女之賢賦命不融中道而沒哀榮之典茲何敢忘故越國賢惠長公主襲寵宮庭生知禮義儀降王后有車服之榮德配君子稱室家之懿逮茲享帝之澤推余尊祖之誠大長之稱寵榮斯極退錫成命以貴九泉

神宗第九女贈蔡國長公主追封充國長公主制

勅王者惇同氣之戚厚追往之恩豈獨致親親之私所以風示四方助成世教也神宗皇帝第九女贈蔡國長公主鍾祖宗之慶襲神明

之胄者為帝子發慧風成方奉宮闈之懽未膺車服之寵奄先物化
踐歷歲時朕纂服之初茲覽在疚手足之愛尚慰予心爾生不辰墓
木已拱想念時昔音容邈然申錫密章進荒大國庶幾寔寧識此哀
榮可

故燕國長公主追封唐國長公主賜諡賢穆制

朕惇叙天倫興崇孝治永念昭考篤生淑女之賢載惟眇躬實深同
氣之愛遽聞告終之計敢忘追卹之恩故燕國長公主稟資柔明毓
德專靜蚤合勲門之好率循婦職之恭雖脂澤之封登視真王之秩
而車服之等靡矜貴主之尊言常協於歲規事必稽於國史謂膺上
壽永肇繁禧何期盛年奄至大故且極哀榮之典用伸痛悼之懷陟
疏名邦仍錫美諡冥靈弗昧寵渥是歆可特追封唐國長公主賜諡
賢穆

故熙福公主追封華國公主制

先王立愛以隆親莫先於天性君子緣情而制禮豈吝於恩章恭予
幼女之姿並毓靈源之粹宜膺壽祉忽遘淪亡爰加贈飾之章庸示
褒榮之典故熙福公主穠華日茂慧淑性成年未及笄已久流於芳
譽命有所制嗟奄奪於妙齡肆追錫於愍書用曲伸於慈念昨之名
國啟以新封爾尙不忘歆此徽數可特追封華國公主

晉國長公主不起罷承天節上壽詔

大中祥符二年十二月辛巳

惟妹之親愛均於同氣終天之訣哀切於深秉屬以誕節屆辰庶邦
畢會有司獻議願罷樂懸在於朕心亦所未忍俾停展禮用表追懷
其日羣臣上壽宜今權罷

宋朝大詔令集卷第四十

宋朝大詔令集卷第四十一

宗室一

進拜一

皇叔德文忠武軍節度使加恩制

門下服仰紹鴻烈惟懷永圖每糾宗族之恩時先伯叔之懿用推厥
愛以展予親具官德文道與粹和天畀宗謹有言而踐百行含章而
暢四肢早建將牙兼移台鉉邦洽斯譽神勞以祥歲久而精明不衰
將隆而悔吝彌遠比詢朝論已啓王封尚圖久勞更膺異獎改疏假
壁之與進服溫昭之華仍廣棘疇以大祖入於戲脩人道之睦我惟
惇叙閱天下之理爾賢老成益靈翰垣參重宗稷東德陪義是惟顯
哉可

皇兄允讓寧江軍節度使加恩制

門下禮重祭膳罷伯仲之國詩標常棣廣親族之愛稽古敦睦朕能行之具官某跪令而周志和而立懿作休德奮為嘉猷早秉中權之雄復正大宗之領惕我公姓光於前人間侍郊宮參獻彝璫服攸箴而惟謹攝爾儀而罔愆向者已徇判言特疏王將載惟褒渥尚懃成勞俾眎扶於台階且仍華於將闕優賚多戶併示隆恩於戲武穆文昭其沅斯遠元戎茂宰注意所兼爾其浚明日孜蹈道時敏欽助予治丕繡膚功可

皇兄允弼武康軍節度使加恩制

門下朕惟一二兄弟屏扞吾家每推骨肉之愛以強本根之託矧在爾屬早休厥聲適及剛辰進膺異數具官允弼甚德而度參仁以和居貴而罔流心訓恭而遠祇悔間陪郊獻佐庀宗司抑抑攸儀舉皆率履綽綽斯祿內無違言成於叙親時乃修職比者雖疏王將未厭

寵名宜停後務之煩俾領元戎之制增食爰賦魚寶幹封於戲磐石而宗寄英重焉杆城於國義莫先焉何壯非猷何順非迪仍暢折衝之遠姑隆綏族之恩往惟懋哉顯對嘉命可

皇弟允良安德軍節度使加恩制

門下亮悖戎族於變時雍周建懿親時庸展愛朕參式先憲褒亭各宗衆同公言誕舉恩冊具官允良氣韶質美馮信厚之餘體和履順遠冲孺之習早經留務常止上都以爾考有叔父之尊帝室之屏勛昭彝器慶祚後昆向嘉冢嫡之承已疇玉爵之顯斷自予志中付節旄因見官儀衍寶封社於戲古有誤訓汝其念聞夫寵不期驕而驕從謙不待益而益務降也可以思永慎也可以寡尤移孝圖忠欽服茲命飭躬靖位毋即爾藩可

皇弟允迪安靜軍節度使加恩制

門下朕聞立愛莫先於親繁支實庇其本每念攸訓匪伊異人用推
悌序之仁期光夫輔之體具官允迪承燾天祐衍慶宸享舉勅嚴方
趨尚閑敏思長富貴之守浸安朝夕之度向留使華允穆公路頃以
王即祖謝予懷悼驚念其堂構承深喬梓義重維城有寄墨經還朝
載隆近屬之恩俾領中軍之節仍增邑食且實戶封於戲乃考之忠
勛四邦呈式乃兄之光寵十乘有儀酒偕厥榮毋或茲怠欽即殊獎
祇勵厥猷可

皇弟允良加恩制

郊祀

門下朕率祖宗之常謹郊廟之饗迎日消選薰燎告成衍三靈之歡
張肆萬民之慶昔既飲其至因賚爾勞矧一二兄弟之親參陪夙夜
之恪宜緝恩典以寵懿藩具官允良履尚詳華機采明悟世不忘於
濟美孝乃移於事君王社以先帥節云重向因侍祀彌光恊恭闕然

陽氣之休禔如盛服之美我禮尤具惟神克歆特緣膳胙之頒首萬
鄂附之愛進加功號魚拓爰封且詢中石之規更增多戶之實於戲
自天介祉既輯於上儀為國懋能放私於同姓往祇異敷勤助壯獻
可

皇弟允良特授特進依前檢校司空同中書門下平章事

華原郡王充奉寧軍節度使加恩制

嘉祐元年恭謝

朕浴康復之慶薦昭報之忱合祀乾祇大陳牲玉光期被乎路寢申
紹約乎園丘禮文昭明儀體簡大既執量幣復脩祖宗之靈復因祭
膳以親兄弟之國蓋合揚於貺施用均布於福釐制克之變時雍始
於睦族而周之厚民德繇厥睦親式是仁恩揚茲慶號具官某資質
淑茂體行端莊令問夙昭善猷允履威藩云建使節是持按圖所封
載擇膏腴之地班槐就列兼崇台宰之儀入侍齋祠居奉朝請有在

恪之敏得蕭雍之稱朕享告成爾庸惟禔既欽斯至乃澤厥勞鄭伯
列於鄭邾滕侯先於異姓班茲威策進以崇階仍增井牧之封益寵
雲臺之疏並為異數用洽至見於戲詔是上儀布茲大喜羣工庶伊
既國典之是孚至戚密親在家情之允洽益慎爾德以對厥休可

皇弟允初建鄴制

嘉祐五年以前
五月二十八日

門下爵賞當功則為善之勸廣名器不假則至公之道存然而隆恩
睦親所以厚乎風俗建侯作屏所以扞於王家非余敢私乃國舊典
具官允初質性純茂泉乎天資學問發明由於師訓惟我叔父時為
賢王緬懷遺烈之存屬乃克家之善自被蕃宣之寄久參朝請之聯
宜使留務之繁進委臨戎之重節旄並建井賦兼增餘謀克諧寵數
惟渥於戲干戈衛社內有宣勤夙夜之臣甲冑在躬外有奮力行伍
之將爾其念宴安之懷毒知富貴之難居戒撻于滿而固敢自驕勞

身以謙而克保其位無忘勉勵往服恩榮可特授依前檢校尚書右僕射使持節耀州諸州事耀州刺史兼御史大夫充感德軍節度使州管内觀察處置等使仍加食邑七百度食實封二百戶散官勳封如故主者施行

皇弟允初特授特進依前檢校尚書右僕射兼御史大夫

感德軍節度使加恩制

嘉祐四年
平治事

百世必祀德厚者流光三載乃給文紱則禮綈朕訓四海之孝合七世之靈因時永懷備物親享祿容繁若寶鎮在焉來九服之朝用六代之樂於時藩岳伯舅二三弟兄助祭在茲侍祠有恪嘉享云究慶賜遂行其官某體韻詳和性質淳固本賢王之後資聖源之先遙制侯藩委高牙之重宿留京邸奉介圭之朝能纂善猷綽有淑問自悖宗之講祀繇奉常以肆儀結佩入齋展軫從蹕清廟在望極駭奔之

恭奉帝侍祠有肅雍之美朕以皇祖右饗大嘏告愬熙事脩成景福
來格還銜肆音進律時庸乃春感藩益開土宇仍進衣功之號更陞
躋等之階恩禮之隆固先於異姓名教之懋滋表於辰親於朕承積
累之祥膺節制之重齋祠口奉靈寵存加益慎爾猷猷服朕命

皇兄允弼依前檢校尚書右僕射充寧國軍節度使同中

書門下平章事北海郡王加恩制

嘉祐四年

門下稽若先生制茲大祿謂四時之常祭未極孝思約一閭之小成
誕為精厚朕詳崇舊禮考卜孟冬駕言屬車登享祖廟行踐朝之禮
歌長發之章惟時親賢豫茲祠祀蓋肅雍之美同悽愴之懷亦既解
嚴宜有褒賞用敦源典式告大廷具官某地則茂親時惟明德繁二
南之化躬兩漢之風表儀王家有嚴重之賢導訓宋子得祇穆之和
魚微台司開朕王社宿仰彌謹奉朝滋恭而自先甲肇禮中嚴始事

率邠滕之諸國遠魯衛之衆親侍齋幄之深泛昭鑒之近太室戾止
廣樂綽如奉亞裸之升極其恭志正赤烏之履重無流心祖宗格思
祝嘏告止歌乃孝享賜朕祥釐膳肉是頒用先兄弟之愛芳酒斯舉
以澤公侯之勤優衍采田益峙真食仍加功號之美並昭名數之華
國典攸宜家情允洽於戲同寅恤祀既獲無疆之休夾輔慎徽益保
有終之吉佳欽厥命永孚于休

宗賢起復依前右衛大將軍奉州防禦使知宗正寺制

七年十
月壬辰

先王糾合宗族而分職以治之所以嚴宗廟宗廟嚴則禮俗成天下
治其事豈可輕哉皇姪右衛大將軍岳州團練使宗賢忠仁孝恭忠
信純篤故遷厥位以脩予宗正之官亦先王浩親之意也士之欲抱
於政未有不學而能者學所以脩身也身修則無不治矣朕言惟服

爾往懋哉可起復依前古術大將軍泰州防禦使知宗正寺

皇叔允良檢校太保兼中書令泰寧軍節度使襄陽郡王

加恩

嘉祐八年四月十日
二日吳宗即位

門下朕以朕躬奉承鴻緒在衷荒之固極方震悼以交深然以慶澤
之行國體惟舊悻叙之典王政所先乃眷親賢首加恩禮載消吉旦
誕告治廷里叔推誠保順同德亮節守正州戴功臣彰信軍節度曹
州管内觀察處置等使開府儀同三司檢校司空兼侍中使持節曹
州諸軍事行曹州刺史上柱國華原郡王食邑一萬二千七百戶食
實封肆千戶允良臨信厚之姿席本支之慶樂於為善貴而無驕粵
自先朝夙膺異數位尊王爵地重威藩榮兼肅城之雄進服溫紹之
貴屬纂承之伊始宜尊顯之有加是用極令品於西臺易節旌於東
魯莖芽建社據襄沔之雄論道經邦視保室之重仍加真食增衍戶

封併示罷休務隆褒渥於戲神器之重方愧於傳歸碧石之隆更資
於夾輔永綏厥位不其盛歟可

宋朝大詔令集卷第四十一